

聖

金薤琳琅卷第九

太僕少卿吳郡都穆

唐洛陽令鄭府君碑

唐香冥君銘

唐郎官石記序

唐故洛州洛陽縣令鄭府君碑

觀夫道周通變青史微其德庸業濟彛倫丹
圖叙其景象所以昭晉長世歲蕤大流而樹
聲之缺一爰存相質之端蓋闕使夫觀巨仲
之行者勵思齊之高懷隨會之功者識與歸

之峯著為不朽文在茲乎公諱敞字仲高榮陽開封生澧鎬為都病鄆戲邑作邦作對策因謀朝之謂才乃公乃侯服冕乘軒之謂貴門高階峻慶積祚流太尉卑躬置屏風而入坐尚書納諫曳革履而昇朝思元之憂因恤至平卿之刺邪矯枉百世之盛莫之與京高祖先護後魏雍州刺史尚書右僕射驃騎大將軍儀同三司襄城公行高言象之表道合運期之數曾祖偉後魏龍驤將軍北徐州刺史中軍將軍侍中滎陽守襄城公祖大仕隨

上開府儀同三司驃騎將軍渠州刺史襄城公並文藝武節光因贊時方龍舟於巨川得騏驥於大路父仁基隨通事舍生研深機以開務邁弘操以範俗公降巖廟之宏器蹈珠玉之朗節化其羽翼既收四見之奇伐其條枚匪辭一覲之速貞觀七率制策高第稔越州都督府參軍事探其洞穴史惠識微禹之功步彼高衢而子得遺風之乘入除左領軍衛兵曹又遷潞州司功參軍事六軍七校戎政孔殷命三牒缺府邑之靈氣流滎波之純

液直躬岳色清嚴凜乎秋霜抱質懷文英穎
彬於夏采挹損以弘已寵辱若驚靖恭以臨
至敬慎如祭宗望推重召為通事舍生留
疾不拜轉瀛州靖苑令公以為立長以為官
也非立官以為長也於是明察以斷忠信以
寬姦利息機則俗化醇厚浮末不鬻則至用
豐殷岳以立身清逾十仞言必顧義寶過盈
尺故至有神明之敬有父母之親欣詠終朝
石碑在頌又為岐州雍縣令政如清苑亦有
德碑又除益州新繁令加朝散大夫入為司

裡員外郎增秩小黃歸大夫之顯祿拔奇禮
學綜郎官之明祀轉駕郎中校檢洛陽令俾
又都至掌儀輦政京太師衆禁踈網闊情有
萬源道難一貫公綜理殷劇馭煩以簡高義
侔於昇雲明道著於夏○旌發伏隱察銖兩
之奸導揚滯美盡銜筭之利化其善教戎生
楚言懷其令聲蟹匡蠶績加以勵精聽斷之
術側席俊秀之才稜威於七貴五侯戒私於
四隱六戚令至除雪既察孝廉行馬療寒即
收門士權豪由其斂手鷄犬所以罕音王渙

已來政風曠絕稱職之美復存於公朝以為
能去除洛陽縣令無何丁太夫至憂服勤過
禮執喪惟病凶極之心應於木石天降大感
光覆不追春秋六十九儀鳳三乘十一月十
七○終於萬乘縣之來庭里第嗚呼哀哉粵
以大周文視元率龍集庚子六月戊寅朔七
○甲申遷窆於洛陽北邙山之平樂原禮也
惟公履仁居德韞風懷雅宏達不器包容無
方牆隩之深則幽室十扉洞房百牖言行之
重則商湯之駟夏后之璜故能參神明以長

至順○月以曜物剛以斷金之精也温潤以
潔玉之符也方弼承帝則運平而機致君唐
虞之上書美荆越之竹豈徒校才班伯願試
定襄之煩比義野王求領長安之劇而信順
而逾毀陽

烏假道過峻岐而不息崩獮慕於霜露歸精
靈於缺一辰昔鄭相云亡捨玦悲於東里羊
公既歿罷市慟於南州瞻古揆今不之遠也
飾終以薄遺令在言時服編書與揪衣而共
下含珠連玉同瓦器而不藏長子朝議大夫

行果州司功參軍諱第二子越州都督府士
曹參軍諱第三子符寶郎諶第四子太子典
設郎諤第五子宋州司功參軍訢等罄節勵
行彥士高其式模積學儲寶詞至貴其淵洽
州闇化其邕穆神明通其孝悌思所以揚德
來裔垂文永垂託之不刊以申罔極我聞有
命敢作銘云

遷周從編為公作伯漢台晉袞邦基政本繼
期生拯時惟我君猶彼靈鳳翰飛紫氛行高
德廣如山如雲曾不助順慙留斯文北山伐
墳塋終古莫我長號誰謂荼苦

大周文視元年六月七日建鳳閣舍在
河東薛稷為文并自書丹

石西却負土撤殯毀宗遷車奠祖群子克孝
右唐洛陽令鄭敞碑薛稷撰并正書碑
稱敞上世皆為顯官而敞之為令綽有
政績惜乎唐史無傳稷撰此碑在武氏
文視元年故碑中之字如地作塋天作
而人作至臣作惠國作罔授作斃正作
击日作①年作率之類皆武氏所製故

當時臣下用之非天子不考文此亦可
見武氏僭竊之罪

唐杳冥君銘

悠悠洛邑眇眇伊壘屢移寒暑頻經歲年丹
壑幾變陵谷俄遷不覩碑碣空悼風煙其時
代攸徙寧窮姓氏匪辯缺二誰分朱紫翠墳
全缺玄扃亦毀火歇火風爰歸壘水其靈跡
難訪莫知其狀彷彿安臺依倚泉帳草積丘
壠松高巖嶂乃眷幽途彌增悲愴其二于彼兆
域是生荆棘松劔猶存榆錢可識臨見物流缺

字太息欲致禮於管魂聊寄言於翰墨

大唐神功元年丁酉歲十月一日鳳閣
舍人河東薛稷為文并書丹

右唐杳冥君銘鳳閣舍人薛稷撰并正
書此銘集古錄不載歐陽公蓋未之見
趙氏金石錄雖列其目而云無書譔人
姓名則亦不知其為稷也

銘文但云悠悠洛邑眇眇伊壘又云靈
跡難訪莫知其狀則稷未嘗真知墓地
蓋汎然而銘之耳後讀陳子昂集見其

冥實君墳記云皇帝因登緱山望少室
尋古靈迹得王子晉之遺墟在永水之
層曲欲開石室營壽宮庀徒方興得古
藏焉內有甕瓦長二丈二尺闊八尺中
有古劍一銅椀一瓦器二又有古五銖
錢朱漆片及振撥之應手灰滅即具物
備容還定舊壙哀其銘志磨滅姓位不
顯乃錫之名曰冥實君云觀子昂文則
墳嘗發於武氏拚而錫之以名亦武氏
也夫以殘酷不仁之人而能為此比固
冥冥實無二義也

唐尚書省郎官石記序

朝散大夫行右司員外郎陳九言
撰吳郡張旭書

上天垂象北極著於文昌先王建邦南宮
列為會府六官既辯四方是則大總其綱小
持其要禮樂刑政於是乎達而王道備矣聖
上至德光被睿謀廣運提大象以祐生人躬
無為以風天下三台淳曜百辟承寧動必有

成舉無遺策年和俗厚千載一時而猶搜擇
茂異網羅俊逸野罄蘭芳林殫松秀盡在於
周行矣夫尚書郎廿四司凡六十一人上應
星緯中比神仙咸擅國華以成臺妙修詞制
天一之議伏奏為朝廷之容信杞梓之藪澤
衣冠之領袖頃朝榮初拜或省美中遷昇降
年名各書廳壁訛誤多矣總載闕如非所以
傳故實示不朽者矣今諸公六聯同事三署
並時排金門麟華轂鸞踏鳳跼肩隨武接而
不因僉謀補其闕典其義也無乃太簡乎左

司郎中楊公慎餘於是合清論創新規徵追
琢之良工伐荆藍之美石刊刻為記建於都
省之南榮斷自開元廿九年咸列名于次且
往者不可及來者不可遺非貴自我蓋取隨
時班位以序昭其度也豐約從宜昭其儉也
俾夫金石長固英華靡絕不編班固之年自
然成表未讀馬卿之賦已辯同時不其偉歟
開元廿九年歲次辛巳十月戊寅朔二
日己卯建

右唐尚書省郎官石記序右司員外郎

陳九言譔張長史正書歐陽公謂長史以草書知名此字真楷可愛曾南豐謂其精勁嚴重出於自然如動容周旋中禮非強為者元王文定公謂張公得草聖不傳之妙其真書在唐乃復精絕顏魯公書學氣侔造化楷法蓋得之於公又謂其字體似出歐虞自成一家宋龔明之中吳紀聞云長史蘇人承平時碑在蘇學中堂之後已漸剝兵火後不復存矣元商德符云石刻舊在京兆今亡觀明之及商氏之說則此刻在宋元固已艱得予家所藏本未知其出於蘇學或出京兆皆不可知但歷年久遠而紙墨完好誠希世物也

金薤琳琅卷第九

金薤琳琅卷第十

太僕少卿吳郡都

穆

唐臧尚書碑

唐玄靖李先生碑

唐故右武衛將軍贈工部尚書上柱

國上蔡縣開國侯臧公神道碑銘序

金紫光祿大夫行撫州刺史上柱

國魯郡開國公顏真卿撰并書

翰林待詔光祿卿李秀巖篆額

公諱懷恪字貞節東莞人其先出于魯孝公

之子彊字子臧大夫不得祖諸侯其孫以王
父字爲氏倍哀二伯旣納忠於魚鼎文武兩
仲亦不朽於言哲丈人成功而遁迹子原抗
節而捨生義和辭金飾之器榮緒奮陽秋之
筆賢達繼軌紛紛至今曾祖滿隋驃騎將軍
祖君寵皇通議大夫靈州督府長史父善德朝
散大夫贈銀州刺史咸務遠圖克開厥後恤
胤之慶世祀宜哉公即銀州之第三子也身
長六尺一寸眉目雄朗鬚髯灑秀雅善騎射
尤工尺牘沉靜少言寬仁得衆竒謀冲邈英

勇冠倫友于弟兄謹爾鄉黨每敦詩而執禮
不如柔以吐剛莅事而剖判泉流臨戎而智
略鋒起古所謂文武不墜高明有融者焉少
以勲勞亟紆戎級開元初嘗遊平盧屬奚室
韋大下公挺身與戰所向摧靡繇是發名玄
宗聞而嘉之拜勝州都督府長史銳精佐理
絜矩當官朔漠不空邊隅用人俄拜左衛率
府左郎將轉右領軍中郎將兼安北都護中
受降城使朔方五城都知兵馬使戎事齊足
十萬維群我伐用張軍威以肅由是深爲節

度使王峻所器奏充都知兵馬使嘗以百五十騎遇突厥斬啜八部落十萬餘衆於狼頭山殺其數百人引身據高環馬禦外虜矢如雨公徒且殲遽而給之曰我爲臧懷恪勅令和汝何得與我拒戰于時僕固懷恩父設之適在其中獨遮護之諸部落持疑不肯公封羊以盟之仗義以責之衆皆感激由此獲免遂與設之部落二千帳來歸後充河西軍前將盤禾安氏有馬千駟富不處一族三人立皆毆斃軍州悚懷疇敢不祇一爲節度相

國蕭嵩所賞後充河源軍使兼隴右節度副大使關西兵馬使拜右武衛將軍吐蕃不敢東向者累年俄封上蔡縣開國侯開元十二年歲次甲子春二月二十有六日薨于鄴城之官舍享年五十六其年八月二十三日詔曰故具官某頃以幹能亟承任使操行逾謹勞効未酬不幸遷殂良增追悼可贈右領軍衛大將軍即以其年冬十月庚戌遷窆于京兆府三原縣北原禮也嗚呼公兄左羽林軍大將軍平盧副持節懷亮以方虎之材膺爪

牙之任孔懷斯切致美則深七子游擊將軍
崇仁府折衝希崇豐州勦贈宋州刺史希昶
左武衛將軍朔方節度副使贈太子賓客希
忱右衛左郎將劔南討擊副使贈汝州刺史
希情右驍衛郎將靜邊軍使贈祕書監希景
寧州刺史左金吾衛將軍贈揚州大都督希
晏開府儀同三司行太子詹事兼御史大夫
亦寧山南觀察使集賢待制工部尚書渭北
節度使魯國公希讓等夙漸詩禮恭承教義
芬潤挺蘭玉之姿英威轡虢纒之質而希讓

識度弘遠器謀沉邃仁親以孝殿國以忠綽
裕冠於人倫勲勞懋於王室至德中今上爲
元帥東伐肇允押牙從收兩京陟降左右入
侍帷幄旣崇翼戴之功出擁麾幢載叶澄清
之寄加以篤睦群從糾綏宗族吉凶瞻恤終
始無渝行道之人孰不嗟尚肅宗以公有謀
翼之勤乾元三年春三月贈魏州刺史寶應
元年冬十月又贈太常卿廣德元年冬十月
詔曰孝以立身可揚名於後代忠能事主故
追榮而及親開府儀同三司兼御史大夫元

帥都虞候魯國公臧希讓亡父贈太常卿懷
恪業茂勲賢地華簪紱佩忠信而行已包禮
樂以資身守節安卑幽貞自處養蒙全正聲
利不營雖與善無徵促靈悲於逝晷而積善
垂祐餘慶光於後昆故得業濟艱難功參締
出有藩條之寄入多爪牙之位位以德
遷禮宜加等父由子貴贈合超倫宜登八座
之榮式慰九原之路又贈工部尚書褒異之
典於斯爲盛臧氏自驃驍而下世以材雄朔
陲尚書旣還特以功懋當代兄弟子姪勲賢

間出自天寶距開元朶朱輪而拖珪組數百
人迨于今茲繁衍彌熾縮軍州而握兵要者
相望國都有後之慶固殊異於他族者矣真
卿早歲與公兄子謙爲田蘇之游敦伯仲之
契晚從大夫之後每接嘗寮之歡故公之世
家竊備見聞敢述遺烈將無媿辭銘曰

魯史褒者臧孫有之陳魚則諫納鼎以規歿
貴言立時稱聖爲仁昭典墳智叶著龜世濟
忠肅缺字光羽儀以至夫公英明雄毅鷲視騰
彩龍驤作氣鋒淬霜陵妙窮金匱謀猷泉寫

翰墨風駛儒勇是兼勳庸以位介馳戎馬猛
奮虓虎絕漠援孤連兵戰苦萬虜鳴鏑紛紛
如雨一身抗詞諤諤連柱精貫霜日氣雄鉦
鼓狄人義激傑固誠全眇漫窮裔隨降幾千
野靜沙雪風恬寒煙我騎如雲我旗連天牧
無南向凱有北全天子休之命侯開國謂福
而壽康衢騁力奚命之遭幽尙是即十城玉
折萬里鵬息陣雲蒼蒼日暮無色令人趨奉
天眷孔明九原不作八座哀榮勇列徽範芳
時懿名里成冠蓋族茂簪纓萬古千祀瞻言

涕零

右唐臧尚書墓碑顏魯公撰并正書尚
書墓在陝西之三原縣顏公此刻人間
少傳予向以使事道陝得之尚書七子
希崇希旭希忱希悛希景希晏希讓皆
為顯官而希讓至魯國公顏公文集復
有臧氏糾宗碑書七子官爵與此不同
唐茅山玄靜先生廣陵李君碑銘并
金紫光祿大夫行湖州剌史上柱
國魯郡開國公顏真卿撰并書

先生姓李氏諱含光廣陵江都人本姓弘以
孝敬皇帝廟諱改焉二十一代祖宏江夏太
守避王莽徙居晉陵遂為郡人高祖文疑陳
桂楊王國侍郎曾祖榮皇朝雷州司馬祖師
龕隱居以求其志徙于江都父孝感博學好
古雅修彭聃之道與天台司馬練師子微為
方外之交尤以篤慎著于州里考行議謚
曰正隱先生母琅邪王氏賢明有德行先生
孩提則有殊異晬日獨取孝經如捧讀焉羈
牝好靜處誦習墳典年十八志求道妙遂師

事同邑李先生遊藝數年神龍初以清行度
為道士居龍興觀尤精老莊周易之深趣執
喪過哀口不嘗甘旨之味食惟穉麥而已封
植膳羞皆經其手號毀骨立親族莫不傷之
開元十七年從司馬練師於王屋山傳授大
法靈文金記一覽無遺綜核古今該明奧旨
玄宗知先生偏得子微之道乃詔先生居王
屋山陽臺觀以繼之歲餘請居茅山纂脩經
法頻徵皆謝病不出天寶四載冬乃命中官
齋璽書徵之既至延入禁中每欲諮稟必先

齋沐他日請傳道法先生辭以足疾不任科儀者數焉玄宗知不可而止先生嘗以茅山靈跡剪焉將墜真經秘籙亦多散落請歸修葺乃特詔於楊許舊居紫陽以宅之仍賜絹二百疋法衣兩副香爐一具御製詩及序以餞之又禁於山側採捕漁獵食葷血者不得輒入公私祈禱咸絕牲牢先生以六載秋到山是歲詔書三至渥澤頻繁輝映崖谷初山中有一上清真人許長史楊君陶隱居自寫經法歷代傳寶時遭喪亂散逸無遺先生奉詔

搜求悉備其跡而進上之先時玄宗將求大法請先生為師先生竟執謙冲辭疾而退七載春玄宗又欲受三洞真經以其年春之三月中官齋壘書云其月十八日尅授經誥是日於大同殿潔修其事遂遙請先生為玄師并賜衣一襲以申師資之禮因以玄靖為先生之嘉號焉仍詔刻石於華陽洞宮以志之是歲夏五月隱居先生合丹之所有芝草八十一莖散生於松石之間詔俾先生於中官啓告靈仙緘封表進夏又詔以紫陽觀側

近二百戶太平崇元兩觀各一百戶並蠲其
官徭以供香火秋七月又徵先生既至請居
道觀以養疾九載春辭歸舊山其年夏六月
前生靈芝之所又產三百餘莖煌煌秀異人
所莫覩先生又圖而奏之是歲冬又徵先生
於紫庭別院館之十載秋先生又懇詞告老
御製序詩以餞之十有一載先生奉詔與門
人韋景昭等於紫陽之東鬱岡山別建齋院
立心誠肅是夜仙壇林間遍生甘露因以上
聞特詔嘉異初隱居先生以三洞真法傳昇

玄先生昇玄付吐玄先生體玄付正一先生
正一付先生自先生距於隱居凡五葉矣皆
總習妙門大正古六法所以茅山為天下道學
之所宗矣於戲且是非可齊也物我均焉生死
可忘也覺夢同焉如此者何域心於變化之
際哉先生以大曆己酉歲冬十一月十有四
日遯化於茅山紫陽之別院春秋八十有七
其年十二月八日門人赴喪而至者凡數千
人號奉冠舄遷窆于雷平山之西陲遺命以
松棺竹杖木几水瓶香奩香爐置於藏內門

弟子等仰奉嘉猷克遵儉德先生識思真淳
業行高古道窮情性之本學冠夫人之際所
以優游句曲鬱鬱為王者之師出入明庭特寵
肩輿之貴是知順風而問昔稱於黃帝望山
而請今見於玄宗矣又博覽群言長於著撰
嘗以本草之書精明藥物事關性命難用因
循著音義兩卷又以老莊周易為潔淨之書
著學記義略各二篇內學記二篇以續仙家
之遺事皆名實無違詞旨該博初先生幼年
頗工篆籀而隸書尤妙客或賞之云賢於其

父因投筆不書玄宗詔山人王收強請先生
楷書上經一十三紙以補楊許之闕先生能
於陰陽數術之道而不以藝業為能極於轉
練服食之事而不以壽養為極但冥懷素朴
妙味玄津非夫博大之至人孰能盡於此真
卿乾元二年以昇州刺史充浙江西節度欽
承至德結慕玄微遂專使致書於茅山以杼
誠懇先生特令韋鍊師景昭復書於真卿恩
眷綢繆足勵超然之志然宗師可仰望紫府
而非遙王事不遑寄白雲而攸遠洎大曆六

年真卿罷刺臨川旋舟建鄴將宅心小嶺長
庇高蹤而轉刺吳興事乖夙願徘徊郡邑空
懷尊道之心瞻望林巒永負借山之記而景
昭洎郭閔等以先生茂烈芳猷願銘金石乃
邀道士劉明素求託斯文真卿與先生門人
中林子殷淑遺名子韋渠牟嘗接采真之遊
緒聞含一之德敢強名於荅黨曷足辯於鴻
蒙其詞曰

抱一混茫人之紀綱先生以之氣王神強乃
啓玄旨玄門以彰乃為帝師帝道惟康甘露
呈瑞靈芝効祥上士云感高風再揚鶴返仙
廟雲辭帝鄉退歸而老妙識行藏德本無累
道心有常寔曰形解孰云坐忘伐石表墓勒
銘傳芳谷變陵遷厥跡彌光

大曆十二年夏五月建渤海吳崇休鑿
右唐玄靖李先生碑顏魯公撰并正書
碑稱隱居先生以三洞真法傳升玄先
生升玄付體玄先生體玄付正一先生
正一付先生自先生距隱居凡五葉矣
今考之隱居先生者梁陶弘景升玄為

王遠知體玄為潘師正正一為司馬子
微三人唐書有傳惟玄靖無之予嘗遊
茅山至玉晨觀其前有雷平池池南為
伏龍岡玄靖葬其上碑今在觀中四周
皆刻文字道士以亭覆之

金薤琳琅卷第十

金薤琳琅卷第十一

太僕少卿吳郡都穆

唐千福寺多寶佛塔碑

唐顏魯公與郭僕射書

唐西京千福寺多寶佛塔感應碑

南陽岑勛撰朝議郎判尚書武部

員外郎琅邪顏真卿書朝散大夫

檢校尚書都官郎中東海徐浩題

粵妙法蓮華諸佛之秘藏也多寶佛塔證
之踴現也發明資乎十力弘建在於四依有

禪師法號楚金姓程廣平人也祖父並信著
釋門慶歸法胤母高氏父而無姪夜夢諸佛
覺而有娠是生龍象之徵無取熊羆之兆誕
彌厥月炳然殊相岐嶷絕於葷茹髮鬣不為
童遊道樹萌牙聳豫章之楨幹禪池畎澮涵
巨海之波濤年甫七歲居然馱俗自誓出家
禮藏探經法華在手宿命潛悟如識金環總
持不遺若注瓶水九歲落髮住西京龍興寺
從僧錄也進具之年昇座講法頓收珍藏其
窮子之疾走直詣寶山無化城而可息爾後

因靜夜持誦至多寶塔品身心泊然如入禪
定忽見寶塔宛在目前釋迦分身遍滿空界
行動聖現業淨感深悲生悟中淚下如雨遂
布衣一食不出戶庭期滿六年誓建茲塔既
而許王瓘及居士趙崇信女普意善來稽首
咸捨珍財禪師以為輯莊嚴之因資爽塏之
地利見千福默議於心時千福有懷忍禪師
忽於中夜見有一水發源龍興流注千福清
澄泛灩中有方舟又見寶塔自空而下久之
乃滅即今建塔處也寺內淨人名法相先於

其地復見燈光遠望則明近尋即滅竊以水流開於法性舟泛表於慈航塔現兆於有成燈明示於無盡非至德精感其孰能與於此及禪師建言雜然歡愜負畚荷插于臺于囊登登憑憑是板是築灑以香水隱以金鎚我能竭誠工乃用壯禪師每夜於築階所懇志誦經勵精行道衆聞天樂咸嗅異香喜歎之音聖凡相半至天寶元載創構材木肇安相輪禪師理會佛心感通帝夢七月十三日勅內侍趙思偁求諸寶坊驗以所夢入寺見塔

禮問禪師聖夢有乎法名惟肖其日賜錢五十萬絹千匹助建脩也則知精一之行雖先天而不違純如之心當後佛之授記昔漢明永平之日大化初流我皇天寶之年寶塔斯建同符千古昭有烈光於時道俗景附檀施山積庀從度財功百其倍矣至二載勅中使楊順景宣旨令禪師於花萼樓下迎多寶塔額遂總僧事備法儀宸睟俯臨額書下降又賜絹千疋聖札飛毫動雲龍之氣象天文挂塔駐日月之光輝至四載塔事將就表請慶

齋歸功帝力時僧道四部會逾萬人有五色
雲圍輔塔頂衆盡瞻覩莫不崩悅大哉觀佛
之光利用賓于法王禪師謂同學曰鵬運滄
溟非雲羅之可頓心遊寂滅豈愛網之能加
精進法門菩薩以自強不息本期同行復遂
宿心鑿井見泥去水不遠鑽木未熱得火何
階凡我七僧聿懷一志晝夜塔下誦持法華
香煙不斷經聲遞續烟以為常沒身不替自
三載每春秋二時集同行大德四十九人行
法華三昧尋奉恩旨許為恒式前後道場所

感舍利凡三千七十粒至六載欲葬舍利預
巖道場又降一百八粒畫普賢變於筆鋒上
聯得一十九粒莫不圓體自動浮光瑩然禪
師無我觀身了空求法先刺血寫法華經一
部菩薩戒一卷觀普賢行經一卷乃取舍利
三千粒盛以石函無造自身石影跪而戴之
同置塔下表至敬也使無舟遷夜壑無變度
門劫筭墨塵永垂貞範又奉為主上及蒼生
寫妙法蓮華經一千部金字三十六部用鎮
寶塔又寫一千部散施受持靈應既多具如

本傳其載勅內侍吳懷實賜金銅香爐高一丈五尺奉表陳謝手詔批云師弘濟之願感達人天莊嚴之心義成因果則法施財施信所宜先也主上握至道之靈符受如來之法印非禪師大慧超悟無以感於宸衷非主上至聖文明無以鑒於誠願倬彼寶塔為章梵宮經始之功真僧是葺克成之業聖主斯崇爾其為狀也則岳聳蓮披雲垂蓋偃下欵岨以躡地上亭盈而媚空中晻晻其靜深旁赫赫以弘敞礪礪承陛琅玕碎檻玉瑱居楹銀

黃拂戶重簷疊於畫栱及宇環其壁璫坤靈巖巖以負砌天祗儼雅而翊尸或復肩架摯鳥肘掇脩虵冠盤巨龍帽抱猛獸勃如戰色有奭其容窮繪事之筆精選朝英之偈贊若乃開扇鏘窺奧祕二尊分座疑對鷲山千帙發題若觀龍藏金碧有晃晃環珮歲蕤至於列三乘分八部聖徒翕習佛事森羅方寸千名盈尺萬象大身現小廣座能卑須彌之容欵入芥子寶蓋之狀頓覆三千昔衡岳思大禪師以法華三昧傳悟天台智者爾來寂寥罕

契真要法不可以久廢生我禪師克嗣其業
繼明二祖相望百年夫其法華之教也開玄
關於一念照圓鏡於十方指陰界為妙門駢
塵勞為法侶聚沙能成佛道合掌已入聖流
三乘教門總而歸一八萬法藏我為最雄譬
猶滿月麗天螢光列宿山王映海蟻垤群峯
嗟乎三界之沉寐久矣佛以法華為木鐸惟
我禪師超然深悟其貌也岳瀆之秀冰雪之
姿果脣貝齒蓮日月面望之厲即之溫觀相
未言而降伏之心已過半矣同行禪師抱玉

飛錫襲衡台之祕躅傳止觀之精義或名高
帝選或行密衆師共弘開示之宗盡契圓常
之理門人苾芻如巖靈悟淨真真空法濟等
以定慧為文質以戒忍為剛柔含朴王之光
輝等旃檀之圍繞夫發行者因因圓則福廣
起因者相相遣則慧深求無為於有為通解
脫於文字舉事徵理含臺強名偈曰佛有妙
法比象蓮華圓頓深入真淨無瑕慧通法界
福利恒沙直至寶所俱乘大車其於戲上士
發行正勤緬想寶塔思弘勝因圓階已就層

覆初陳乃昭帝夢福應天人其輪奐斯崇為
章淨域真僧草創聖主增飾中座耽耽飛簷
翼翼荐臻靈感歸我帝力其念彼後學心滯
迷封昏衢未曉中道難逢常驚夜杙還懼真
龍不有禪伯誰明太宗其太海吞流崇山納
壤教門稱頓慈力能廣功起聚沙德成合掌
開佛知見法為無上其情塵雖雜性海無漏
定養聖胎染生迷轂斷常起縛空色同謬蔭
葡現前餘香何嗅其彤彤法宇繫我四依事
該理暢玉粹金輝慧鏡無垢慈燈照微空王

可託本願同歸其

天寶十一載歲次壬辰四月乙丑朔廿
二日戊戌建勅檢校塔使正議大夫行
內侍趙思偁判官內府丞車沖檢校僧
義方河南史華刻

右千福寺多寶塔碑唐岑勛撰顏真卿
証顏公之書多矣惟此碑盛傳人間歐
陽公作集古錄跋尾而此獨見遺惟趙
氏金石錄有之謂多寶塔者僧楚金所
造楚金嘗寫法華經千餘部寘塔中趙

氏復謂於七大夫家數見之則楚金之
書至宋猶有存者碑今在陝西西安府
學

唐顏魯公與郭僕射書

十一月

缺

一日金紫光祿大夫檢校刑部尚

書上柱國魯郡開國公顏真卿謹奉書于右
僕射定襄郡王郭公閣下盖太上有立德其
次有立功是之謂不朽抑又聞之端揆者百
寮之師長諸侯王者人臣之極地今僕射挺
不朽之功業當人臣之極地豈不才為世

出功冠一時挫思明跋扈之師抗迴紇無獸
之請故得身畫凌煙之閣名藏太室之廷吁
威足畏也然美則美矣然而終始之難故曰
滿而不溢所以長守富也高而不危所以長
守貴也可不警懼乎書曰爾惟弗矜天下莫
與汝爭功爾惟不伐天下莫與汝爭能以齊
桓公之盛業片言勤王則九合諸侯一匡天
下葵丘之會微有振矜而叛者九國故曰行
百里者半九十里言晚節末路之難也從古
至今曩我高祖太宗已來未有行此而不理

廢此而不亂者也前者菩提寺行香僕射指
麾宰相與兩省臺省已下常參官並為一行
坐魚開府及僕射率諸軍將為一行坐若一
時從權猶未可何況積習更行之乎一昨以
郭令公父子之軍破犬全兇逆之衆衆情欣
喜恨不頂而戴之是用有興道之會僕射又
不悟前失徑率意而指麾不顧班秩之高下
不論文武之左右苟以取悅軍容為心曾不
顧百寮之側目亦何異清書攫金之士哉甚
非謂也君子愛人以禮不聞姑息僕射得不

深念之乎真卿竊聞軍容之為人清修梵行
深入佛海况乎收東京有殄賊之業守陝城
有戴天之功朝野之人所共貴仰豈獨有分
於僕射哉加以利衰塗割恬然於心固不以
一毀加怒一敬加喜尚何半席之座咫尺之
地汨其志哉且鄉里上齒宗廟上爵朝廷上
位皆有等威以明長幼故得彝倫叙而天下
和平也且上自宰相御史大夫兩省五品以
上供奉官自為一行十二衛大將軍次之三
師三公令僕少師保傅尚書左右丞侍郎自

金苑卷十一
九
為一行九卿三監對之從古以然未嘗差錯
至如節度軍將各有本班卿監有卿監之班
將軍有將軍之位如無軍容階雖開府官即
監門將軍朝廷縱是開府特進並是勳官用
蔭即有高卑會讌合依倫叙豈可裂冠毀冕
反易彝倫貴者為卑所凌尊者為賤所偏一
至於此振古未聞如魚軍容階雖開府官即
監門將軍朝廷列位自有次序但以功績既
高恩澤莫二出入王命衆人不敢為比不可
令居本位須別示有尊崇只可於宰相師保

座內橫安一位如御史臺衆尊知雜事御史
別置一榻使百寮共得瞻仰不亦可乎聖皇
時開府高力士承恩宣傳亦只如此橫座亦
不聞別有禮數亦何必令他失位如李輔國
倚承恩澤徑居左右僕射及三公之上令天
下疑怪乎古人云益者三人損者三友願僕
射與軍容為直諫之友不謀射為軍容佞
柔之友又一昨蒙僕射設左右丞勾當
尚書當時輒未訓對僕射張目見尤介
衆之中不欲顯過今者興道之會還爾遂非

再獨八座尚書欲令便向下縣軍城之

禮亦恐未然朝廷公讌之宜若此今既

若此僕射意只應以為尚書之僕射若州

佐之與縣令乎若以尚書同於縣令則僕射

見尚書令得如上佐事刺史乎缺二不然今

既三廳齊列缺一明不同刺史矣且尚書令

與僕射同是二品只投上下之階六曹尚書

並正三品又非隔品致敬之類尚書之事僕

射禮數未敢有失僕射之顧尚書何乃欲同

卑吏又據宋書百官志人座同是第三品隋

及國家始別作二品高自標致誠則尊崇向

下擠排缺一意傷甚况再於公堂缺一咄尚

伯當為令公初到不欲紛披僂俛就命亦非

理屈朝廷紀綱須共存立過爾隳壞亦恐及

身明天子忽震電含怒責戮彝倫之人則僕

射將何缺一以對

右唐顏魯公與郭僕射英又書世所謂

爭坐位帖此其草也世人重公名節故

併重其書重其書故草草之筆亦摹刻

人其可以不立德邪

金薤琳琅卷第十一

其草出地入重公名碑如

即天子多靈實合致其輝耀命之人與對
函牌我臨臨其共林在或爾與亦恐及
前為令公所臣不浴參辨明命亦非
不齊非知一有夏對其去及平於公堂
及因家敘限於二品高有對延推順尊崇向

金薤琳琅卷第十二

太僕少卿吳郡都穆

唐嵩岳少林寺碑

唐少林寺靈運禪師碑

唐少林寺戒壇銘

唐嵩岳少林寺碑

銀青光祿大夫守吏部尚書上柱

國正平縣開國子裴灌文并書

原夫星垂梵界聖緣開萬化之先日照

宮神跡蘊三靈之始包至虛以見世象教父

傳於曠劫籠群有以示凡法身初應於中古
見神通之力廣拔苦因開智惠之門深明樂
界鶴林變色觀其戀慕之心鴈塔開扉通其
瞻仰之路少林寺者後魏孝文之所立也東
京近甸大室西偏正氣居六合之中清都控
九州之會緱山北峙巨宛洛之天門潁水南
流連荆河之雲澤信帝畿之靈境陽城之福
地沙門跋陀者天竺人也空心玄粹惠性淹
遠傳不二法門有甚深道業緬自西域來遊
國都孝文屈黃屋之尊申繒林之敬太和中

詔有司於此寺處之淨供法衣取給公府法
師迺於寺西臺造舍利塔塔後造翻經堂香
水成塗金繩為約苦心精力俾夜作晝多寶
全身之地不日就功如來金口之說連雲可
庇西緣長澗夾松栢之蕭森北拒深崖覆筠
篁之冥密煙花濃靄暝下天香泉籟清音曉
傳空樂跋陀息心茲地樂靜安居感而遂通
境來斯證寤寐之際若有神人致石磬一長
四尺規制自然聲律咸具得之河曲空聞漢
使之談浮于泗濱徒入夏王之貢管絃風夜

合清響於中天鍾梵霜晨諧妙音於上劫時
有三藏法師勒那翻譯經論遊集刹土稠禪
師探求正法住持塔廟虬箭不居光塵易遠
虹梁沂指象設猶存周武帝建德中缺一元
嵩之說斷釋老之教率土伽藍咸從廢毀明
皇帝繼明正位追崇景福大象中初復佛象
及天尊象迺於兩京各立一寺因孝思所置
以陟岵為名其洛中陟岵即此寺也隋高祖
受禪正朔既改徽號已殊惟此寺名特缺一
仍舊開皇中有詔二教初興四方普洽山林

學徒歸依者眾其栢谷屯地一百頃宜賜少
林寺大業之末九服分崩群盜攻剽無限真
俗此寺為山賊所劫僧徒拒之賊遂縱火焚
塔院院中眾宇倏焉同滅瞻言靈塔巋然獨
存天龍保持山祇福護神力所及昔未曾有
寺西北五十里有栢谷墅群峯合沓深谷透
迤複磴緣雲俯窺龍界高頂拂日傍臨鳥道
居晉成塢在齊為郡王充潛號署曰轅州乘
其地險以立峯戍擁兵洛邑將圖梵宮皇唐
應五運之休期受千齡之景命掃長蛇荐食

之患拯生人塗炭之災太宗文皇帝龍躍太
原軍次廣武大開幕府躬踐戎行僧志操惠
瑒曇宗等審靈睠之所往辯謳歌之有屬率
衆以拒偽師抗表以明大順執克姪仁則以
歸本朝太宗嘉其義烈頻降璽書宣慰旣奉
優教兼承寵錫賜地四十頃水碾一具即栢谷莊是
也迨海宇既平憲章云始偽主寺觀盡令廢
除僧善護洞曉二門遠該三行詣闕進表特
蒙置立武德中寺有白雀見貞觀中明禪師
造重塔之辰白雀復瑞見璿圖肇啓初欲呈

祥寶殿纔興遽聞相賀高宗天皇大帝光紹
鴻業欽明至理嘗因豫遊每延聖敬咸亨中
乘輿戾止御飛白書題金字波若碑留幡象
及施物永淳中御札又飛白書一飛字題寺
壁雲開顧鶴電搏遊龍神草競秀於林塗雲
泉迴飛於錦石雕甍增耀若綴春葩金壘分
輝似懸秋露天皇升遐則天大聖皇后為先
聖造功德垂拱中有冬竹抽笋塔院後復有
藤生證聖中中使送錢於藤生處修理階陛
寺上方普光堂功德隨日修造自爾飛鳥莫

敢翔集此寺跋陀疏置業造神微皇家尊崇
事光幽秘珍符荐臻於動植靈應亟發於庭
除累聖屬心每頒渥澤王言宸翰旣疊映於
鷄峯寶像珠幡亦交馳於龍壑皇上睿圖廣
運神用多能藉明臺之化清繹天池之墨妙
以此寺有先聖締構之跡御書碑額七字十
一年冬爰降恩旨付一行師賜少林寺鐫勒
梵天宮殿懸日月之光華佛地園林動煙雲
之氣色漢元魏武徒銜竒於篆素鍾繇蔡邕
虛致美於紺簡日者明勅令天下寺觀田莊

一切括責皇上以此寺地及碾先聖光賜多
歷年所襟帶名山延袤靈跡群仙是宅邁羅
閱之金峯上德居之掩育王之石室特還寺
衆不入官收曾是國土崇絕天人歸仰固以
名冠諸境禮殊恒剎矣高僧跋陀明三藏心
禪諸門弟子惠光道房稠禪師等精勤梵行
克傳勝業惠光弟子僧達曇隱法上法師等
十大德亦號十英復有達摩禪師深入惠門
津梁是寄弟子惠可禪師等玄悟法寶嘗託
茲山周大象中寺初復選沙門中德業灼然

者置菩薩僧一百廿人惠遠法師洪遵律師
即其數也皇唐貞觀之後有明遵慈雲玄素
智勤律師虛求一義洞真諦之源復有大師
諱法如為定門之首傳燈妙理弟子惠超妙
思竒拔遠契玄蹤文翰煥然宗塗易曉景龍
中勅中岳少林寺置大德十人數內有闕寺
中抽補人不外假座無虛授澄什聯華林遠
接武星霜殆周於二紀蘭菊每芳於十步上
座寺主都維那等牢籠法藏遊息禪林德鑿
神珠戒成甘露海內靈岳莫如嵩山山中道

缺一字

茲為勝殿二室迴合八谷潺湲地匝貝

花門連石柱妙樓香閣俯映喬林金刹寶鈴
上搖清漢法界之幽贊如彼皇家之福應如
此天長地久不傳切利之宮劫盡塵微孰記
鐵圍之會精求貞石博訪良工將因墨客之
詞或頌金仙之德聿宣了義遠喻其空其
恒沙國土微塵品類妄見飛奔正心蘊櫃
昏途莫曉淨根將墜樂於蓋纏若安夢寐丞
哉大聖降跡閻浮潛迴寶軸廣運慈舟實無
滅度示有降柔紺宮西闢白馬東流迷因慢

生悟為信起玉刹斯建寶山載峙花臺竹林
清泉妙水靜惟真相湛然攸止巖巖嵩嶺河
洛巨鎮下屬九溪上千千仞天磴重阻仙都
清峻式創招提是資誘進婉彼上德載誕耆
闍傳業西土演教中華孝文申敬恩錫仍加
經營宴室迥出雲霞中岳北陞高高西麓斜
界玉池洞開栢谷紆餘崗澗連延水木鬱起
旃擅云誰卜築吾師苦行清修道場勵精像
宇專力經堂金界緝直樹塗水香散花有地
樓禪得方解空應真默識開士乘盃遊集振
錫戾止翻譯幽偈發揮妙理仙磬感靈神雀
降祉運交土木代歷周隋劫火迺起魔風競
吹法身咸翳淨國同隳或聞興復詎振崩離
神堯應期撥亂反正皇矣覺力大弘福慶式
遏醜徒聿扶興聖累降恩旨兼敷錫命高宗
時豫先后卜征亟迴雕輦屢倚虹旌巖題玉
札地振金聲珍符荐至在物斯呈我皇龍興
有典咸秩懿茲上界式儲神筆雲搖大圍鸞
迴少室草垂仙露林昇佛日護持八正每候
能仁跋陁降德稠公有隣厥後真侶更傳了

因辯才高行無替清塵倬焉梵衆代有明哲
今我諸公蘊彼禪悅芳越蘅杜淨踰冰雪遠
締津梁無非苦節穎上靈岳山間寶殿秀出
梵天孤標神縣芥城可謁桑田有變貞石永
刊靈花常遍

開元十六年七月十五日建

右唐嵩岳少林寺碑守吏部尚書裴灌
撰并正書少林寺在河南登封縣少室
山麓去嵩岳二十里嵩岳一稱太室故
有少室而此寺曰嵩岳者統於尊也予

正德癸酉嘗遊嵩岳訪少室留宿寺中
見殿後有立雪堂相傳昔達磨之徒惠
可欲嗣其法雪深至腰不去此即其處
寺右上山三里有達磨洞洞有石達磨
面之九年形宛然石上其事甚異達磨
為釋氏西來初祖可稱二祖碑雖及其
人而二事皆不之載寺復有太宗與僧
教書石刻蓋太宗為秦王時寺之僧禽
王世克以獻故太宗賜書褒美而碑云
僧執世克姪仁則以歸與教書不同予

故書之以見古人之文不無缺誤如此
然非予之親歷則亦莫能知也

唐少林寺靈運禪師塔碑并序

宣德郎試大理評事崔琪撰

聖善寺沙門勤缺

虛空廣大乎其體智慧圓融乎其用凝而不
生湛爾常寂離修離證非色非心歷微塵劫
遍缺一沙界無量國土皆清淨無量昏暗皆
光明誰其得之吾聞諸上人矣上人諱靈運
蕭姓蘭陵人梁武帝後皇考蕭雍州恒農縣

尉初上人之生也戒珠孕於母胎定水激於
孩性內典宿植外學生知白雲凝其高志明
冰峻其苦節泛如也時不能知常以為幻境
非實泡身是妄五色令人昏五音令人聾五
味令人爽噫輪彼生滅無時息焉吾將歸根
以復于正因遊嵩山至少林寺有始終之意
焉勇氏掾于高平而上人遂緇於此郡玉立
凡石不可喻其炯然日映衆星無以方其明
者竟移隸茲寺缺一副乎夙心無何習禪決
於龐鳩珪大師潛契密得以真貫理照十方

於自空脫三界於彼著慧眼既淨色身亦如
始知夫心外無法所得者皆夢幻耳然後觀
大地土木無非佛刹焉空山蒼然窮歲默坐
猿對茶椀鳥棲禪庵彼嶺雲無心即我心矣
彼瀾水無性即我性矣夫如是孰能以凡聖
量之乎故吾在造化中如夢中也粵開元十
有七祀夏五月廿二日不示以疾泊然而終
苦霧晦黃於天地悲風哀咽於草木吁崩吾
禪山涸吾法海空世界使凡百含識大千有
情奈於是火於是可勝言哉故門人堅順獨

建靈塔於茲山奉遺教也夫碩德丕發不有
超世先覺而出夫等夷者則曷能傳我法印
以一燈然千萬燈乎彼上人者巖然倬立以
定慧為藏以涅槃為山圓通於不注之境出
沒於無涯之域適來時也適去順也今則終
矣瞻仰如之何夫事往則迹移歲遷則物換
况法與化永念從心積豈可使上人之高歿
而不紀是斲于石以旌斯文銘曰

上人伊何傳我法印其體也寂其行也順紛
彼識浪汨夫夢情非照不睹非澄不清作大

鑿王為大禪伯岳立松古蓮青月白一朝化
滅六合悽愴世界颯空雲山忽曠色身謝兮
法體存金界慘兮鐵圍昏噫我所留者唯心
源

天寶九載四月十五日門人堅順建

右唐少林寺靈運禪師碑試大理評事
崔琪撰會善寺沙門行書而缺其名予
向遊少林愛其中碑刻時值大雪命人
搨之此其一也或謂予好奇之過而不
知予之所得抑亦多矣

少林寺戒壇銘并序

三藏法師義淨製

粵以長安四年歲次甲辰四月七日此寺綱
維寺主義獎上字缺一智寶都維那大舉法濟
禪師及徒眾字缺一以少林山寺重結戒壇欲
令受戒懺儀共遵其處遂乃遠之都下屈諸
大德慇懃致鞅一延就山門是時我老苾芻
義淨及護律師瑳禪師思禪師恂禪師暉律
師恪律師威律師等既至寺所解舊結新僉
議此邊字缺一為小界標相永定莫無疑惑于

時護鵝珍之缺一士無召自來缺一卓結之
英賢不期而會數逾一百行道三旬共繫頸
珠俱修缺一足誠五濁之希有慕四依之住
持虛往實歸紹隆無替庶乎缺一田屢改長
存立石之基砂界時遷無爽布金之地恐田
成碧海嶺變青川迷此結辰乃為銘曰
羯磨法在聖教不淪式傳金口是敬是遵目
觀西域杖錫東缺一觀盛事而隨喜聊刊紀
乎斯文

開元三年正月十五日立南館學生張

傑書

金薤琳琅卷第十二

四

金

書